


Lesedi ya BATHO

TSWANA – Lost

GO-LATLHEGA



Go latlhega mo sekgweng se se tletseng di-phologolo tse di gagolang le dinoga tse di chefi e bolayang, goa boitshega. Go latlhega mo nageng ya sekaka, go se metsi, le tselo le mosupatsela, go ka isa lesong. Ge o ka latlhega o le gare ga mawatlle a magolo o sena sesupatsela, o sena dijo, o sena metsi, o sena maatla a go tsamaisa sekepe eleng seile kgotsa enjene, o sena se se ka go sireletsang maruru le bollo, o tla bo o le mo kotsing e kgolo.

Go latlhega mo thabeng e khurumeditsewe ke kapoko le semathana, ke lesa fela. Go latlhega mo lefatsheng le le tletseng sebe le tshenyego ya maitsholo, ke lesa le le gaisang otlhe, le isa tatlhegong ya moya, lesa la bosakhutleng le moleteng.

Mo-Pisalome o kwala a re, "Ke timetse jaaka nku e e ileng le naga. *Pisalome 119:176.*" Ge dinku di sa disiwe, di tla jewa ke diphologolo tsa naga, e

eng ditau le dibera le diphiri. Di batla modisa wa nnete yo o tshwanang le David, yo o nang a bolaya tau le bera. O na dumela go latlhegelwa ke botshelelo joa gagwe ka ntlha ya dinku. Re batla Jesu, ke ene fela modisa yo o ikanyegang yo a setseng a re neile botshelelo joa gagwe, mme o re gogela kwa mahulong a manana le kwa metsing a a didimetse-
ng. Jesu o rile, "Ke nna modisa yo o molemo, ke itse dinku tsa me le tsa me dia nkitse." Ga go lekane fela gore dinku di baane le modisa. Modisa yo o tshwanetse go nna wa nnete. Modimo o rile go Jeremia, "Batho ba me e ne e nntse e le dinku tse di timetseng, badisa ba bona ba ba timeditse.." *Jeremia 50:6, 7*. Lo seka loa latela badisa ba tshiamo e e sokameng, difofu tse di eteletse tse dingwe. Latelang Jesu yo o tlileng go batla le go pholosa ba ba timetseng. Ene o tla latelela se se latlhegileng go tsamaya a se bone.

Dilemo dintsi tse di fetileng ke ne ka kopana le batsomi ba le ba bedi kwa Afrika Bophirima. Batsomi ba, ba ne ba kile ba timela mo sekakeng sa Kgalagadi. Ba ne ba ile teng ka koloi e gogwa ke ditonki di le masome mabedi. Erile ba goroga le basadi le bana fa thabeng ya bofelo, ba tlhoma ditente teng. Batsomi ba, ba ne ba tswa ditenteng tsena ka metlha go ya go tsoma. Tsatsi lengwe ba wela motlhala wa motlhape wa diphala, mme ba o latela. Ka ntlha ya motlhala o, batsomi ba tsenella thata mo lefatsheng lena la sekaka. Erile phirimana, mongwe wa bona a bona diphala tse; a thuntsha di le pedi tsa tsona mme a itse go gadimaka a batla molekane wa gagwe. A swaba ka a seka a mmona. (Ga bonala gore ene o na a latetse motlhala o mongwe wa diphala a ithaya a re e nntse ele motlhala wa tsona tse di latetsweng ke molekane wa gagwe.) Motsomi yo a boela kwa mokoeng wa motlhaba yo a ne a o fetile, a o namele a batla molekanae wa gagwe me a mo tlhoka. Ea re a ntse a batla jaana ga fifala, mme a seka a tlhola a itse kwa o tswang le kwa o yang teng. Bosigo botlhe a tsamaya a re gongwe o tla bona lesedi la mollo wa ditente tsa bona, a tlhoka go bona le eseng tshwedi wa mollo.

A nna a tsamaya jalo mo bosigong nako ya ura tse di masome thataro le bone, a ba a wela fatshe ka go lapa le lenyora, loleme la gagwe le lepeletse le rurugile. A itemoga ge a latlhegile tota, aa swa ka lenyora mo legwatateng la motlhaba o o fisang. Erile a japaletse jalo a llela go Modimo a kopa thuso. Ona a sena gona go buela godimo mo thapelong ya gagwe, a seba fela, mme Modimo yo o bonang pelo ya motho, wa utlwa sello sa pelo. Ka

bonako fela, motsomi yo a swang yo a bonela sefapaano fa kgakajana; ga tswa mo sefapaanong se, lentswe le goela godimo le re, "Ke nyorilwe". Motsomi a itse lentswe ha e le le Jesu a le buileng mo sefapaanong. Lentswe le, la tsenella mo mmeleng wa motsomi yo jaaka maatla a rudisang. Lenyora la nyamela ge a gopola gore Jesu morwa Modimo o na a nyorwa mo sefapaanong sa Golgotha boemong yoa gagwe. Loleme loa motstomi yo loa khutla go tswa madi, la nna sentle. A ema, a nchafetse gotlhelele, letsapa lotlhe le mo tlogetse. A leboga Modimo ka ntlha ya ge Jesu a ne a nyorwa mo sefapaanong mo boemong joa gagwe, gore ene motsomi yo a tle a bone maatla a masha. Ka pelo yotlhe ya gagwe a leboga Modimo ka o kopane nae ka tsela e e makatsang e. A tloga a gadimaka a santse a batla tsela ya go ya ditenteng tsa bona. Kgabagare a bona kgakamatso, seatla sa motho se okame lefatshe ka dinao di le nne, mme ka monwana se supile kwa pele. A se atamela a ithaya a re kgotsa ke toro fela, seatla sa nna sa tsamaela kwa pele fela. Ene a re, 'se ke seatla le monwana wa Modimo, mme a di latela ka ura tse di masome mabedi. Ge a ema seatle se eme, ge a tswelela seatle se ee pele. La bofelo seatla sa ema fa godimo ga sediba sa metsi a a tsiditsana. Motsomi a nwa a ba a nyorologa. Erile a inamologa a lemoga ge seatla sele se nyametse. mme a bonela gautshwane fela ditente tsa bona. Erile a goroga a fitlhela batho ba le mo thapelong ba mo rapella, gore Modimo o mmusetse gae a sa tlhagelwa ke kotsi epe. Motsomi-ka-ene le ena a le teng a rapela. Le ene molekane yo, o ne a latlhega, mme Modimo wa mmusa ka tsela e e makatsang. Le ene o na a latetse mo tlhala o sele mme a lala a kgarakgatshega bosigo botlhe mo legwatateng a batla felo mo ba thibeletseng teng, Erile boosa a makala a bona morwawe wa lemo tse di bofera-bobedi, a mmita a eme kgakajana mo lekurwaneng, A makala gore mosimane o tsamaile jang go tlogela legae go le kana a le nosi. Erile a fitlha fa mosimane a ne a eme gona mosimane a bo a se teng, le eseng motlhala wa gagwe, e ne le sebontshiso fela. Le ge go ntse jalo a nne a latela pono e, a kgabaganya makurwana a motlhaba jalo ga tsamaya, a sena go khabaganya lekurwana la bosupa le mosimane a ne a eme go lona, a bonela kgakala ditente tsa bothibello ba bona. Erile a goroga fela a ya fa bolaong ba mosimane yo wa gagwe mme a mo fitlhela a thulametse ka boroko. Ke gona motsomi yo a lemoge ge Modimo o mmuseditse gae ka sebontshiso se sa mosimane wa gagwe.

Ammarure, botlhe re batsomi fela, re batla dilo tsa lefatshe leno le ge e kabo ele, maruo, tumo, boiketlo, chelete, lethabo, tswelelopele le tse dingwe tse dintsi thata, mme re le bale go batla tsa mmuso wa Modimo pele, le tshiamo ya ona. Re latlhega mo sekakeng sa moya sa lefatshe leno. Moya ona o nyoretswe Modimo, Modimo yo o tshedileng, go fitlhe mo motho a goang ka go ithoboga, a batla thuso ya Modimo, go tsamaya Jesu a re senolelwang ele ene motswedi wa bophelo. Jesu o rile, "Ke tlile go batla le go pholosa ba ba latlhegileng." Oa batla nku e e timetseng go tsamaya a e bone. O batla wena le nna. Nku e latlhega jang? Ke ka go elets a tse di sa siamang, mme e gana go utlwa pitso ya modisa, e salele morago ge modisa le dinku tse dingwe di tsamaela pele, yona e sale e utlweletse lentswe la moraedi, kgotsa e latlhega ka go siamela pele e leka go ipatlela mahulo.

Kana morwa-mmotlana o latlhegile jang? O na a elets a boithabiso ba dibe tsa lefathe. O na a tlhoka go leboga rraagwe mme a gogwa ke lerato la chelete, le eleng motswedi wa bosula botlhe. Modimo wa lefathe leno o na a mo fofatsa, a sitwa ke go ipona ge a nntse a nanganela mo boteneng ba moraga wa sebe, a tlogetse Modimo le Raagwe yo dithapelo tsa gagwe di ne di ntse di mo latetse. Erile a fepa dikolobe, a jewa ke tlala a tsoga mo boeleelele ba gagwe. A tlogela dikolobe, le mong wa gagwe yo o bosula, yo o nang a mmolaisa tlala, a sa dumele le gore mosimane yo a ithuse ka go ja moroko wa dikolobe. A tla go raagwe a re "Ke leofetse Modimo le wena ga ke sa tshwanelwa go bidiwa morwao." Ga a ka a ipata ka ope, o ipone a le molato, ka gore a re "Ke leofile" *Luka 15:11-32*. Raagwe yo o tletseng lorato a mo amogela ge a goroga mo gae, mme a re "Yo morwaake o ne a sule (mo moyeng), mme jaana o a phela, o ne a latlhegile, mme o bonwe."

Jesu o na a re, "Kgotsa mosadi ke ofe yo e ka reng a na le madi a le some a seleferea, mme ha a ka latlhegelwa ke le lengwe a se ke a tshube lebone, a feele ntlo, a batle ka tlhoafalo a tsamae a le bone me o tla re a sena go le bona a phuthe ditsala tsa gagwe a re "Itumeleng le nna gonne ke bone ledi le ne le ntatlhegetse." Ga go ope yo ka latofatsang ledi le la selefera ka go latlhega ga lona. Maria le Josefa ba ne ba latlhegelwa ke Jesu kwa Jerusalema, me ba mmatla ka malatsi a le mararo, ga tsamaya ba mmona. Dikete tsa batho ba ba

tšenang kereke ka tlhoafalo ba ntse ba latlhegile fela, ge go tla mo go tsa ga Kresete. Ga ba ise ba mmona ka nnete, ga ba ise ba tsalwe gape ka lefoko le ka moya o o boitshepo, ga ba amogele Jesu go nna mopholosi wa bona. Ha ele ka tsa Mmuso wa Modimo, batho ba ba latlhegile, gonne Jesu, o rile, "Sokologang gonne Mmuso wa Modimo o gaufe", "Ha motho a sa tsalwe gape ga a kitla a tsena mo Mmusong wa Modimo", Gopolang gore le jaanong Jesu o ntse a batla go pholosa ba ba latlhegileng. Oa go batla, mme ha le wena o mmatla, thabo ya gago e tla nna kgolo ha o mmona. Ka gongwe o latlhegetswe ke kagiso, kgotsa bophepa ba borweetsana kgotsa ba bokau, kgotsa thabo ya go tshwarelwa dibe, le bopaki mo pele ga Modimo le batho. Batla go tsamaya o bone mo go Jesu sona se se go latlhegetseng. Kagonwe o latlhegetswe ke pholo ya mmele, maemo a gago, tiro ya gago, tulo ya gago gongwe chelete. Tlisa kwa go Jesu merwalo ya matshwenyego a gago, le masetlapelo a gago, Morena o nonofile go go busetsa tsotlhe tse di go latlhegetseng le ge e kaba eng. Lefoko la re, "Yo o ipatlelang bophelo fela bo tla mo latlhega, mmele yo latlhegelwang ke jona ka ntlha ya ga Kresete o tla bo bona." O ka rua lefatshe lotlhe mme wa latlhegelwa ke se se fetang maruo otlhe a lefatshe, ebong moya wa gago.

Rona rotlhe re latlhegile mo go tlhomolang pelo, ka ntlha ya dibe tsa rona." Ha re re ga re na bolelo bope, rea itsietsa, le boamarure go boyo mo go rona. Ha re re ga rea leofa, rea Mo akisa, mme lefoko la gagwe ga leo mo go rona. *1 Johane 1:8-10*.

Ga go ope wa rona o o tshwanelang go nna mo maamong ana a lathego, ka gore Morwa Motho o tlile go batla le go pholosa ba ba latlhegileng." *Luka 19:10*. Morena o gaufe le wena, mme ge o ka mmatla o tla mmona, fela se diege, mmatle janong. "Batlang Jehofa a sa nntse a ka bonwa, mmitseng a sa nntse a le gaufe." *Jesaea 55:6*. Sengwe ke nnete e e sa kakeng ya ganediwa, sa gore Mmoloki yo o batlang, le mo leofi yo o batlang, ba tla bonana. "Ha o mmatla o tla mmona" *Matthiao 7:7*. Ha o mmonyane, mme wa baya bophelo ba gago mo seatleng sa gagwe, le thato ya gago, ene modisa yo o molemo wa dinku o tla go gogela mo mahulong a manana, le mo bophelong jo bo sa khutleng.

O latlhegile, mmitse janong. O seka wa dikadika, gonne, "Le ha e le mang yo o tla bitsang leina la Morena o tla bolokwa." *Ditiro 2:21*.

TSWAA

Tswaa mo taolong ya sebe. Tswaa mo mmusong wa Satane. Jesu ke Kgosi ya dikgosi le Morena wa marena. Mmuso wa lefifi o fentswe ke Jesu yo e leng Kgosi ya Lesedi le Kgosi ya kagiso. Tswaa mo bokgobeng ba sebe, le bokgobeng ba satane. Jesu o tllile go golola wena. O duetse molato wa thekololo mo setlhareng sa Kalvari. O go swetse go go golola.

Tswaa mo bokgobeng ba poifo, ebong poifo ya lesu, poifo e ka yona Satane a go bofileng mala-tsi otlhe a botshelo joa gago. Jesu o fentswe sebe le lesu mme o na a di tshaga mo pontsheng a le mo sefapaanong, mouo a na a swela wena le nna. Ona a tllhasela lesu mo mmusong wa lona a le fenya. O na a tsoga mo lebitleng mme o tshela ka bosakhutleng. Rea tshela le rona ka lebaka la go tshela ga gagwe. Re bapotswe mme re sule kafa go tsa lefatshe, le sebe, le bonama ba rona, ka ge Jesu a ne a bapolwa mme a swa mo boemong ba rona. Mme o na a tsoga gore re siamisiwe ka mouo le gore re tle re bone botshelo jo bo sa khutleng.

Satane yo motlha mongwe e ne ele moengeli yo o disang, ele motlhokomedu mo lefatsheng le, o na a ikgodisetsa Modimo, a re, "Ke tla tllhatlogela godimo ga bogodimo joa maru, ke tla tshwana le Mogodimodimo." Mme Modimo a re, "O tla folo-sediwa mo Bobipong kwa dikhutlong tsa molete." *Isaia 14:12-16.*



Satane o fentswe, ene yo e leng modimo le kgosi ya lefatshe le. Puso ya gagwe mo makgobeng a gagwe e fedile, ha ese ge bona ba itsenya ka gorata ga bona mo dinaleng tsa gagwe.

Modimo o re laola gore re tswe mo pusong ya sebe le Satane. Modimo o tllhomile Jesu go nna molaodi wa batho botlhe ba lefatshe le Kgosi ya mongwe le mongwe. "Me ke gona tswang mo gare ga bone ,le lomologane, go bua Yehofa." *2 Bako-rinta 6:17.*

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)